

I. Skordýrarannsóknir:

5

3. jan.

1. Skordýr og önnur meindýr ákvörðuð til dýraflokka eða tegundar kr. 50.00—kr. 200.00
2. Rannsókn á matvælum, plöntum og fleiri vörum, hvort meindýr séu eða ekki:
 - a. smásendingar — 100.00
 - b. húsgögn eða stærri sendingar — 200.00
 - c. einstakar plöntur — 75.00

II. Jurtasjúkdómarannsóknir.

Ákvörðun sjúkdóms á aðsendu sýnishorni kr. 100.00—kr. 200.00

- III. Skoðun vöru (sbr. reglugerð með innflutningi plantna o. fl., þegar heilbrigðisvottorð vantar) kr. 500.00—kr. 1000.00

Ofangreint verð miðast við að rannsókn fari fram í Atvinnudeild Háskólans. Verði skoðun á vöru, gróðri o. s. fr. að fara fram utan Atvinnudeildar, skal reikna útlagðan ferðakostnað og kaup sérfræðings.

Gjaldskrá þessi öðlast gildi 15. janúar 1961 og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá yfir rannsóknir, er Atvinnudeild Háskólans annast, nr. 20 16. febrúar 1955, ásamt breytingu á þeirri gjaldskrá, nr. 98/1858.

Atvinnumálaráðuneytið, 3. janúar 1961.

Gylfi P. Gíslason.

Þorv. K. Þorsteinsson.

G J A L D S K R Á

6

5. jan.

fyrir Rafveitu Gerðahrepps.

I. RAFORKA

Rafveita Gerðahrepps selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 3.30 hver kwst.
2. Um kwst.mæli á kr. 1.25 hver kwst., auk fastagjalds, er nemi kr. 15.00 á ári af hverjum fermetra gólfflatar í rúmi því er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal greiða kr. 5.00 af fermetra á ári.

B. Almenn heimilisnotkun.

Um kwst.mæli á 75 aura hver kwst. Auk þess skal greiða fastagjald kr. 6.25 á mánuði af hverju herbergi íbúðar. Í útreikningi á fjölda herbergja skal telja öll herbergi, sem ætluð eru til íbúðar, og eldhús. Herbergi, sem er minna en 5 m², skal teljast sem hálf, en stærra en 25 m² sem tvö. Leiga af einum mæli er innifalin í fastagjaldinu.

6. Par sem meðalstærð herbergja í íbúð er undir 10 m² má miða við sameiginlegt flatarmál þeirra, þannig, að hverjir 10 m² jafngildi einu herbergi og 5 m² hálfu herbergi.

C. Vélnotkun.

1. Um kwst.mæli á kr. 1.85 hver kwst. Hafi vélarnar mjög stuttan notkunartíma, má krefjast minnsta árgjalds, frá kr. 315.00 til 375.00 á hvert uppsett kw. vélanna.
2. Til fiskiðnaðar, með fasttengndum vélum 75 aura hver kwst.
3. Ef uppsett rafvélaafl fasttengdra véla við fisk-, kjöt- eða mjólkuriðnað er yfir 20 kw.:
 - a. Um kwst.mæli á 55 aura hver kwst., enda megi þá rjúfa strauminn í allt að 3 klst. á dag, á tímum mesta álags rafveitunnar um hádegið og síðdegis, en þó eigi lengur en 1½ klst. í senn. Notandi kosti klukkurofa fyrir vélalagnir eða tvígjaldsmæli, sem settur er til eftirlits með að rofið sé á tilskildum tímum.
 - b. Um tvígjaldsmæli á kr. 3.25 hver kwst. í 1½ klst. tvisvar sinnum á dag á tímum mesta álags rafveitunnar, en á 55 aura hver kwst. utan þeirra tíma.
 - c. Um tvígjaldsmæli á kr. 3.25 hver kwst. í 1½ klst. á dag á tímum mesta álags rafveitunnar, en þó eigi lengur en 1 klst. í senn, en á 59 aura hver kwst. utan þessa tíma.
4. Um mæli á kr. 687.50 fyrir hvert kw. mesta notaðs afls á árinu, mælt sem 15 mínútna meðalálag og auk þess 38 aura á notaða kwst.
5. Ef ekki eru tók á að mæla mesta notað afl, má selja þannig: Um mæli á kr. 440.00 fyrir hvert uppsett kw. vélanna og auk þess 38 aura á notaða kwst.

D. Hitun.

1. Um kwst.mæli á 35 aura hver kwst., enda megi þá rjúfa strauminn í allt að 3 klst. á dag á tímum mesta álags rafveitunnar um hádegið og síðdegis, en þó eigi lengur en 1½ klst. í senn.
2. Um kwst.mæli á 12 aura hver kwst., í 9 klst. á tímanum frá kl. 22 til 7.

Önnur skilyrði fyrir raforkusölu til hitunar.

- a. Að vélaafl, línur og spennar þoli álagið að dómi rafveitustjóra.
- b. Að notandi setji klukkurofa fyrir hitalögnina, og kosti viðhald þeirra. Þó getur rafveitustjóri ákveðið að rafveitan leggi til rofa og annist viðhald þeirra. Kostar þá notandinn tengingu þeirra, og greiðir leigu af þeim, samkvæmt reglum, sem gilda um leigu mæla.
- c. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum, og hitastillar notaðir.

E. Önnur raforkusala.

1. Raforku til suðu má selja til gistihúsa, veitingahúsa, sjúkrahúsa og annarra slíkra staða á 95 aura hverja kwst., enda sé notkunin mæld um sérmæli og suðu-tæki fasttengd.
2. Til nota um vinnulagnir við byggingar, meðan á byggingu stendur, um kwst.-mæli á kr. 1.85 hverja kwst.
3. Til bökunarofna í brauðgerðarhúsum um kwst.mæli á 30 aura hverja kwst., er straumur er rofinn frá kl. 8.30 til kl. 22, eða um tvígjaldsmæli á 30 aura hverja kwst. á tímanum frá kl. 22 til kl. 8.30 og kr. 1.85 hverja kwst. frá kl. 8.30 til kl. 22.
4. Til gatnalýsingar á 80 aura hverja kwst.

Alla rafmagnsnotkun, sem ótalin er, og ekki kemst undir aðra liði þessarar gjaldskrár, skal setja eftir gjaldskrárlið A-1. Þegar sérstaklega stendur á, má rafveitustjóri þó, að tilskildu samþykki rafveitustjórnar, veita afslátt frá gjaldskrárlið C—E (Báðir meðtaldir) á orku, sem notuð er á sumrin, sé um verulega aukningu frá vetrarnotkun að ræða.

Enn fremur að selja orku eftir sérstökum samningi, sé það hagstætt vegna orkunýtingar rafveitunnar.

II. MÆLALEIGUR

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

1. Af einfasa mælum upp að 30 amp.	kr. 5.00 á mánuði
2. — þrífasa mælum upp að 50 amp.	— 6.75 — —
3. — þrífasa mælum 50 til 200 amp.	— 16.00 — —
4. — þrífasa mælum yfir 200 amp.	— 22.50 — —

Af öðrum mælitækjum en þeim, sem nefnd eru í gjaldskránni, skal ársleigan vera sem næst 20% af verði mælitækisins. Leigan skal innheimt um leið og gjald fyrir raforku.

III. HEIMTAUGARGJALD

Heimtaugargjald innan lögsagnarumdæmis Gerðahrepps skal miða við rúmmál húsa á þann hátt, sem hér segir:

Grunngjald af loftlínuheimtaug	kr. 1500.00
— — jarðlínuheimtaug	— 2250.00

Auk grunngjaldsins greiðist kr. 3.25 af hverjum rúmmetra húss allt að 700 rúmmetrum og kr. 1.25 af hverjum rúmmetra þar yfir.

Verði breyting á fasteignamati um meira en 10% frá því, sem nú er, þegar gjaldskrá þessi er samþykkt, breytast gjöldin í samræmi við það. (Fasteignamat gert kr. 1250.00 rúmmeter).

Heimtaug fellur í gjalddaga þegar að tengingu lokinni. Sé lengd jarðlínuheimtaugar meiri en 15 metrar, og loftlínuheimtaugar meiri en 40 metrar, og gildleiki víra meira en 3×70 mm², skal húseigandi greiða kostnað af því, sem fram yfir er. Ef lagðar eru fleiri en ein heimtaug að húsinu, skal greiða allan kostnað við síðari heimtaug eftir reikningi.

IV. OPNUNARGJALD

1. Hafi gjald samkvæmt gjaldskrá þessari eigi verið greitt svo að til lokunar hafi komið fyrir veitu, skal taka gjald fyrir enduropnun kr. 25.00.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð fyrr en notandinn hefur greitt kr. 25.00 gjald á skrifstofu rafveitunnar.

V. SÖLUSKATTUR

3% söluskattur er innfallinn í gjaldskrá þessari.

VI. HEIMILD TIL HÆKKUNAR

Hreppsnefnd er heimilt að hækka eða lækka gjöld, sem ákveðin eru í gjaldskrá þessari, um allt að 10% — tíu af hundraði — án sérstakrar staðfestingar ráðuneytisins, enda auglýsi hreppsnefnd breytinguna í Lögbirtingablaðinu, áður en til hennar kemur.

6 Gjaldskrá þessi, sem hreppsnefnd Gerðahrepps hefur samið og samþykkt, stað-
5. jan. festist hér með samkvæmt vatnalögum nr. 15 20. júní 1923, og raforkulögum nr. 12
2. apríl 1946, til þess að öðlast gildi þegar í stað, og birtist til eftirbreytni öllum
þeim, sem hlut eiga að máli.

Jafnframt er úr gildi numin gjaldskrá fyrir Rafveitu Gerðahrepps nr. 138 10.
október 1958.

Atvinnumálaráðuneytið, 5. janúar 1961.

Gunnar Thoroddsen.

Þorv. K. Þorsteinsson.

7

7. jan.

REGLUGERÐ

um heimilishjálp í Öngulsstaða-, Saurbæjar- og Hrafnagilshreppi.

1. gr.

Öngulsstaðahreppur, Saurbæjarhreppur og Hrafnagilshreppur reka sameiginlega heimilishjálp í viðlögum, og fela kvenfélögum hreppanna framkvæmd hennar samkvæmt reglugerð þessari.

Umsjón með starfsemi heimilishjálparinnar hefur framkvæmdanefnd, skipuð þrem konum, einni úr hverjum hreppi, sem kvenfélögin tilnefna.

2. gr.

Hlutverk heimilishjálparinnar er að veita hjálp á heimilum, þegar sannað er með umsögn læknis, ljósmóður eða á annan hátt, sem framkvæmdanefndin metur gildan, að hjálpar sé þörf um stundar sakir vegna sjúkdóma, barnsburðar, slysa, dauðsfalla, eða af öðrum ástæðum. Hjálpin skal að jafnaði ekki veitt lengur en 14 daga í senn, ef þörf er fyrir starfskrafta heimilishjálparinnar á öðrum heimilum.

3. gr.

Heimilishjálpin skal jafnan leitast við að hafa til taks eina konu til heimilishjálpar. Ber framkvæmdanefndinni að ganga örugglega úr skugga um, að konur þær, sem heimilishjálpin stunda á hennar vegum, séu hæfar til starfsins, og ekki haldnar smitandi sjúkdómum. Launakjör þeirra eru háð samþykki oddvita aðildarhreppanna.

4. gr.

Ekki bera sveitarsjóðir aðildarhreppanna fjárhagslega ábyrgð á tjóni, er konur þær, sem vinna á vegum heimilishjálparinnar, kunna að valda við störf sín.

5. gr.

Framkvæmdanefndin skal kynna sér eftir föngum ástæður þeirra heimila, sem hjálpar óska, og ráðstafa hjálparstúlku þangað sem þörfin virðist mest hverju sinni. Telji nefndin mjög brýna þörf fyrir heimilshjálp á fleiri en einu heimili samtímis, er henni heimilt að útvega viðbótarstarfskrafta til bráðabirgða, séu þeir fánlegir með kjörum, sem oddvitar samþykkja.

6. gr.

Nú er ekki þörf fyrir fastráðna starfstúlku heimilishjálparinnar samkvæmt 2. gr., og er þá framkvæmdanefndinni heimilt að veita heimilishjálp vegna orlofs húsmóður eða hvíldardvalar utan heimilis, enda setji þá fyrir slíkri hjálp þær húsmæður, sem erfiðasta aðstöðu hafa og mesta þörf fyrir hvíld að dómi nefndarinnar.